

Na osnovu člana 35. Zakona o unutrašnjim poslovima Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 9/10) i člana 10. Poslovnika o radu Nezavisnog odbora („Službene novine Bosansko-podrinjskog kantona Goražde“, broj: 13/10), Nezavisni odbor, **r a s p i s u j e:**

**JAVNI KONKURS  
ZA IZBOR POLICIJSKOG KOMESARA MINISTARSTVA UNUTRAŠNJIH POSLOVA  
BOSANSKO-PODRINJSKOG KANTONA GORAŽDE**

**I**

Pozicija policijskog komesara uspostavljena je Zakonom o unutrašnjim poslovima Bosansko-podrinjskog kantona Goražde. Policijski komesar je rukovodni službenik koji rukovodi Upravom policije Ministarstva unutrašnjih poslova Bosansko-podrinjskog kantona Goražde.

**II**

Policijski komesar rukovodi i nadgleda sve policijske aktivnosti u Bosansko-podrinjskom kantonu Goražde vezane za javnu sigurnost građana, prevenciju i otkrivanje kriminaliteta.

**Opis poslova i ovlaštenja Policijskog komesara u rukovodjenju Upravom policije:**

1. Policijski komesar je rukovodilac Uprave policije.
2. Pod nadzorom ministra, policijski komesar rukovodi Upravom policije i odgovoran je za svoj rad ministru i Vladi.
3. U rukovodjenju Upravom policije, policijski komesar:
  - a) Predstavlja Upravu policije;
  - b) Nadgleda i usmjerava aktivnosti Uprave policije;
  - c) Odlučuje u upravnim stvarima iz nadležnosti Uprave policije;
  - d) Predlaže ministru nacрте i prijedloge propisa ili izmjene i dopune postojećih propisa iz nadležnosti Uprave policije;
  - e) Odlučuje o pravima, obavezama i odgovornostima iz radnog odnosa policijskih službenika, državnih službenika i namještenika uposlenih u Upravi policije;
  - f) Odlučuje o disciplinskoj odgovornosti policijskih službenika za lakšu povredu službene dužnosti;
  - g) Priprema prijedloge potrebnih finansijskih i drugih sredstava za rad Uprave policije;
  - h) Odlučuje o korištenju sredstava i vrši nabavku opreme i materijalno-tehničkih sredstava za namjene određene budžetom Uprave policije u skladu sa članom 6. Zakona o unutrašnjim poslovima Bosansko-podrinjskog kantona Goražde;
  - i) Priprema tromjesečne izvještaje i preporuke u vezi sa realizacijom budžeta, koje podnosi ministru;
  - j) Predlaže ukupan broj uposlenika u Upravi policije;
  - k) Obrazuje stručne komisije i odgovarajuća radna tijela;
  - l) Vršі nabavku opreme, naoružanja i materijalno-tehničkih sredstava za potrebe Uprave policije;
  - m) Utvrđuje potrebe, određuje i implementira programe stručnog osposobljavanja i usavršavanja uposlenika Uprave policije;

- n) Organizuje jedinstven sistem izvještavanja i obrade podataka neophodnih za vršenje nadležnosti Uprave policije;
- o) Raspisuje kantonalne potrage i oglašava raspisane potrage;
- p) Osigurava saradnju sa drugim policijskim organima i agencijama za sprovođenje zakona u BiH;
- q) Priprema programe, informacije, analize i druge materijale iz djelokruga rada Uprave policije na zahtjev ministra, Vlade Kantona ili na vlastitu inicijativu;
- r) Redovno izvještava ministra o poduzetim aktivnostima Uprave policije;
- s) Obavještava javnost o radu Uprave policije;
- t) Podnosi informacije i statističke podatke Federalnom ministarstvu, u vezi sa poslovima iz zajedničke nadležnosti Kantona i Federacije, kao i poslova iz nadležnosti Federacije koji su povjereni Ministarstvu;
- u) Odlučuje o načinu osiguranja odredjenih ličnosti i objekata, i
- v) Vršiti druga ovlaštenja koja su mu ovim Zakonom i drugim propisima data u nadležnost.

Mandat Policijskog komesara traje 4 (četiri) godine, uz mogućnost produženja za još jedan mandat, u skladu sa Zakonom.

### **III**

Kandidat treba da ispunjava slijedeće uvjete:

- a) Da je državljanin BiH;
- b) Da je zdravstveno sposoban za vršenje poslova;
- c) Da ima VII stepen stručne spreme;
- d) Da ima najmanje tri godine radnog iskustva u činu glavnog inspektora ili višem činu;
- e) Da mu nije pravomoćnom presudom izrečena krivično pravna sankcija, osim za krivična djela iz oblasti bezbjednosti saobraćaja, počinjena iz nehata;
- f) Da protiv njega nije pokrenut krivični postupak u skladu sa Zakonom o krivičnom postupku u BiH;
- g) Da se na njega ne odnosi odredba člana IX 1. Ustava BiH;
- h) Da ne ispunjava uslove za penzionisanje predviđene Zakonom u toku mandata;
- i) Da nije bio član političke stranke nakon stupanja na snagu Zakona o policijskim službenicima ili odgovarajućeg zakona koji propisuje prava i obaveze policijskih službenika u policijskom organu gdje je zaposlen u vrijeme prijavljivanja na konkurs;
- j) Da nije, niti je bio na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju od strane političke stranke nakon stupanja na snagu Zakona o policijskim službenicima ili odgovarajućeg zakona koji propisuje prava i obaveze policijskih službenika u policijskom organu gdje je zaposlen u vrijeme prijavljivanja na konkurs;
- k) Da nije, niti je bio član izvršnog ili zakonodavnog tijela na bilo kojem nivou vlasti u BiH nakon stupanja na snagu Zakona o policijskim službenicima ili odgovarajućeg zakona koji propisuje prava i obaveze policijskih službenika u policijskom organu gdje je zaposlen u vrijeme prijavljivanja na konkurs;
- l) Da nije disciplinski kažnjavao za teže povrede službene dužnosti.

### **IV**

Uz prijavu na Javni konkurs kandidati su dužni dostaviti slijedeće dokumente (original ili ovjerena kopija):

1. Uvjerenje o državljanstvu (ne starije od 6 mjeseci);
2. Izvod iz matične knjige rođenih (ne starije od 6 mjeseci);
3. Dokaz o školskoj spremi (diploma);
4. Dokaz o radnom iskustvu u činu glavnog inspektora ili višem činu od najmanje tri godine;
5. Uvjerenje o nekažnjavanju (ne starije od 3 mjeseca)
6. Uvjerenje da se protiv kandidata ne vodi krivični postupak (ne starije od 3 mjeseca – Općinski i Kantonalni sud);
7. Izjava da se na njega ne odnose naredbe člana IX 1. Ustava BiH;
8. Uvjerenje o radnom, odnosno penzionom stažu;
9. Ovjereni izjava o ispunjavanju uslova iz tačke III Javnog konkursa pod g), h), i), j) i k);
10. Uvjerenje da mu nije izrečena disciplinska sankcija za teže povrede službene dužnosti.

## V

Kandidati koji se pozovu na razgovor dostavljaju slijedeću dokumentaciju kojom dokazuju:

- a) Akademska zvanja;
- b) Stručno usavršavanje;
- c) Godine policijskog iskustva na rukovodećim radnim mjestima;
- d) Ocjenu rada u posljednje 3 godine;
- e) Dokazanu sposobnost rukovodjenja složenim policijskim operacijama;
- f) Ostale kvalifikacije koje odgovaraju potrebama radnog mjesta;
- g) Ljekarsko uvjerenje o zdravstvenoj sposobnosti za vršenje poslova i zadataka policijskog komesara (ne starije od 6 mjeseci).

Kandidati koji budu ušli u uži izbor dostavljaju prijedlog Plana i Program rada za vrijeme trajanja mandata.

## VI

Konkurs će biti objavljen u „Službenim novinama F/BiH“, Dnevnom listu „Oslobođenje“ i WEB stranici Vlade BPK-a Goražde.

Prijave sa potrebnim dokumentima dostavljaju se u roku od 15 dana od dana posljednje objave Javnog konkursa, lično ili preporučeno putem pošte sa naznakom: **„Prijava na Javni konkurs za izbor policijskog komesara Ministarstva unutrašnjih poslova Bosansko-podrinjskog kantona Goražde – na otvarati“** na adresu: Skupština Bosansko-podrinjskog kantona Goražde, ul. Maršala Tita br. 13. 73000 Goražde.

## VII

Nepotpune i neblagovremene prijave neće se uzeti u razmatranje.

**NEZAVISNI ODBOR**